

J.nr. 2170122

**AIR GREENLAND A/S-IP
MALITTARISASSAI**

1 INGERLATSEQATIGIIFFIUP AQQA

1.1 Ingerlatseqatigiiffiup aqqa tassaavoq Air Greenland A/S.

1.2 Ingerlatseqatigiiffiup taagutai allat tassaapput:

- a) Grønlandsfly A/S (Air Greenland A/S)
- b) Air Kalaallit Nunaat A/S (Air Greenland A/S)
- c) Air Greenland Inc. A/S (Air Greenland A/S)
- d) Greenair A/S (Air Greenland A/S)
- e) Greenlandair Charter A/S (Air Greenland A/S)
- f) Greenlandair Inc. A/S (Air Greenland A/S)
- g) Greenlodge A/S (Air Greenland A/S)
- h) Air Greenland Travel A/S (Air Greenland A/S)
- i) Heli Charter Greenland A/S (Air Greenland A/S)
- j) Helicopter Greenland A/S (Air Greenland A/S)

2 INGERLATSEQATIGIIFFIUP SIUNERTAA

2.1 Silaannakkut angallassinisaaq assartuussinissarluk, kiisalu tamatumunnga atatillugu suliaassat allat isumaginissaat ingerlatseqatigiiffimmi siunertarineqarpoq.

2.2 Ingerlatseqatigiiffiuttaaq siunertaraa takornariartitsinermik ingerlataqassalluni, soorlu angalatitseqatigiiffimik, akunnittarfeqarnermik sulianillu taakkununga atasunik.

2.3 Aamma ingerlatseqatigiiffik pigisanut aalaakkaasunut aningaasaliisarnissamik siunertaqarpoq.

3 INGERLATSEQATIGIGIIFFIUP ANINGAASAATAI PIGINNEQATA-ASSUTILLU

3.1 Ingerlatseqatigiiffiup aningaasaatai DKK 24.000.000,00-upput, pigineqataassutinut DKK 1.000- inut taakkunangaluunniit naatsorsukkanut agguagaallutik.

3.2 Piginneqataaassutini ateq allassimassaaq, aammalu ateq atorlugu ingerlatseqatigiiffiup piginnittunik allattaaviani nalunaarsorsimassapput.

3.3 Piginneqataaassutit arlaannaalluunniit immikkut ittunik pisinnaatitaaffilingillat.

3.4 Aningaasatigut pigineqataasut arlaannaalluunniit pigineqataassutimik tamakkiisumik ilaannakortumilluunniit aningaasannortitsissalluni pisussaaffiligaanngilaq.

3.5 Piginneqataassutit tammarsimasut inatsisit naapertorlugit malittarisassat tamatumunnga qaqugukkulluunniit atuuttut naapertorlugit atorunnaarsinneqarsinnaapput.

4 ATAATSIMEERSUARNEQ, INGERLANNEQARNERA AGGERSAANERLU

4.1 Ingerlatseqatigiiffiup ataatsimeersuarneri tusagassiorfinnut ammasusassapput Kalaallilu Nunaanni ingerlanneqartassallutik.

4.2 Ileqqusumik ataatsimeersuarnerit piffissaalluarallartillugu ingerlanneqartassapput ukiumoortumik naatsorsuutit naammassineqarneranniit kingusinnerpaamik qaammatit sisamat sapaatillu akunnerisa pingasut qaangiunneranni ukiumoortumik nalunaarutit kukkunerisukkuk akuerisallu Inuussutissarsiornermut Aqutsisoqarfimmiit tiguneqarsinnaanngorlugit.

4.3 Ingerlatseqatigiiffiup piginnittunik nalunaarsuiffiani aningaasatigut piginnittut allassimasunut annerpaamik sapaatit akunnerinik sisamanik minnerpaamillu ullunik 14-inik sioqqutsisumik ilimasaarereernikkut siulersuisut ataatsimeersuarnermut aggersaasassapput.

4.4 Aggersaanermi allassimassaaq ataatsimeersuarnermi suut oqaluuserineqassanersut, kiisalu malittarisassatigut allannguutissatut siunnersuutit ataatsimeersuarnermi oqaluuserineqartassallutik, siunnersuutillu imarisaat pingaarnerit aggersaassummi oqaatigineqassallutik. Aggersaanerup kingusinnerpaamik aningaasatigut piginneqataasunut nalunaarutigineqarnerata peqatigisaanik Inuussutissarsiornermik Aqutsisoqarfiup Qarasaasiatigut nalunaaruteqartarfiani tamanut nalunaarutigineqassaaq.

4.5 Ataatsimeersuarneq ullunik 14-inik sioqqullugu oqaluuserisassat siunnersuutillu tamakkiisut ingerlatseqatigiiffiup qullersaqarfiani aningaasatigut piginneqataasunut misissuataagassanngorlugit saqqummiunneqassapput.

4.6 Ileqqusumik ataatsimeersuarneq eqqarsaatigalugu ukiumoortumik nalunaarut kukkunerisuisunit oqaaseqarfigisaq ataatsimeersuarneq kingusinnerpaamik ullunik 30-inik sioqqullugu aningaasatigut piginneqataasunut nassiunneqassaaq kiisalugu ingerlatseqatigiiffiup qullersaqarfiani aningaasatigut piginneqataasunut misissuataagassanngorlugit saqqummiunneqassalluni.

4.7 Ataatsimeersuarnermi ingerlatseqatigiiffiup ukiumoortumik nalunaarutaata akuerisassanngorlugit saqqummiunneqarfissaani ingerlatseqatigiiffiup ukiumoortumik nalunaarutaa ataatsimeersuarnerup in-

gerlanneqarnissaa ullunik 14-inik sioqqullugu tusagassiorfinnut taassuminnga noqqaasimasunut nassiunneqassaaq, kiisalu kikkulluunniit taassuminnga piumasaqartut ingerlatseqatigiiffiup qullersaqarfianit taassuminnga tunineqarsinnaapput.

- 4.8 Aningaasatigut piginneqataasoq kinaluunniit qulequttamik aalajangersimasumik ataatsimeersuarnermi oqaluuserisassanngortitsisinnaati-taavoq ataatsimeersuarneq sapaatit akunnerinik arfinilinnik sioqqullugu siulersuisunut allakkatigut tamatuminnga piumasaqaateqarsimaguni. Ataatsimeersuarneq sapaatit akunnerinik arfinilinnik sioqqusimajunnaareeraa oqaluuserisassanngortitsiniartoqarpat oqaluuserisassa qoqaluuserisassanut ilanngunneqarsinnaanersoq siulersuisut isummerfigissavaat.
- 4.9 Siulersuisut imaluunniit kukkunersiuisoq tamanna naapertuuttoq isumaqarpata, immikkut ittumik ataatsimeersuartitsisoqassaaq. Qulequtaq aalajangersimasoq ingerlatseqatigiiffimmi piginneqataassutit 5%-inik pigisaqartunit suliarineqartussatut allakkatigut piumasarineqarpat immikkut ittumik ataatsimiigiaqqusisoqassaaq.
- 4.10 Immikkut ittumik ataatsimeersuarnermut aggersaanermi oqaluuserineqartussat saniatigut taakkununga pissutaasut suuneri nas-suarneqarsimassapput

5 ILEQQUUSUMIK ATAATSIMEERSUARNEQ

- 5.1 Ileqquusumik ataatsimeersuarnermi oqaluuserisassat makkuninnga imaqaassapput:
- 1) Ingerlatseqatigiiffiup suliaaniq nalunaarut.
 - 2) Ukiumoortumik nalunaarutip akuerisassanngorlugu saqqummiunneqarnera.
 - 3) Ukiumoortumik nalunaarut akuerisaq naapertorlugu sinneqartorutit qanoq atorineqarnissaannik imaluunniit annaasat matussuseqarnissaannik aalajangiinerit.
 - 4) Siulersuisunut ilaasortanik, aamma siulittaasumik qinersineq.
 - 5) Siulittaasup siulersuisunullu ilaasortat sinnerisa ajunngitsorsiasaannik aalajangiineq.
 - 6) Kukkunersiuisumik toqqaaneq

6 ATAATSIMEERSUARNEQ, AQUTSISOQ, TAASEQATAASINNAANEQ, AALAJANGIINERIT ALLATTAAVIILLU.

- 6.1 Ataatsimeersuarneq aqutsisumit siulersuisunit toqarneqartumit, suliat suliarineqarnissaat taasinissallu pillugit apeqqutinik tamanik aalajangiisussamit aqunneqassaaq.

- 6.2 Siunnersuutit oqaluuserisassannut ilanngunneqarsimasut kisimik ataatsimeersuarnermi aalajangiivigineqarsinnaapput.
- 6.3 Piginneqataasutit kr. 1.000-ikkaat tamarmik taasinermik ataatsimik naleqarput.
- 6.4 Ataatsimeersuarnermi suliassat suliarineqartut nalinginnaasumik amerlanerussuteqartoqarneratigut aalajangiiffigineqartassapput, tassa ingerlatseqatigiiffinnut inatsit sinniisuutitaqarneq amerlanerussuteqarnerlu pillugit immikkut ittunik malittarisassaqaqtitsinngippat.
- 6.5 Ataatsimeersuarnermi pisut ingerlatseqatigiiffiup oqallinnernik allattaavianut nalunaarneqartassapput aqutsisumillu atsiorneqassallutik. Allattaviit kingusinnerpaamik aningaasatigut piginneqataasunut pissarsiari-neqarsinnaangorfimminni Inuussutissarsiornermik Aqutsisoqarfimmut nassiunneqartassapput.

7 AQUTSISUT

- 7.1 Ingerlatseqatigiiffik siulersuisunut pisortanillu aqunneqassaaq.
- 7.2 Siulersuisuussapput ilaasortat ataatsimeersuarnermi qinikkat 3-6-inik amerlassusillit.
- 7.3 Siulersuisut pisortanik ulluinnarni ingerlatseqatigiiffimmik aqutsisussanik atorfinitsitsissapput.

8 SIULERSUISUT

- 8.1 Siulersuisut ukiut ataasiakkaarlugit atuuttassapput. Qinigaaqqittoqarsinnaavoq.
- 8.2 Qinigaaffiup ingerlanerani siulersuisunut ilaasortaq tunuarpat, tunuarneraniit sapaatit akunnerisa pingasut qaangiutinnginneranni siulersuisut immikkut ataatsimeersuarnermut aggersaassapput qinigaaffiup sinnerani siulersuisunut ilaasortassamik qinersinissaq pillugu. Ilaasortalli tunuarnera apeqqutaatinnagu siulersuisut aalajangiisinnaassuseqarunik siulersuisunut ilaasortamik nutaamik qinersinissaq ileqquusumik ataatsimeersuarnermut tullermut kinguartissinnaavaat.
- 8.3 Ataatsimeersuarnermi qinigassat amerlassusiisa saniatigut sulisut aamma siulersuisunut ilaasortamik qinersinnaatitaapput, tak. ingerlatseqatigiiffinnut inatsimmi § 120, imm. 3.
- 8.4 Siulersuisunut ilaasortat akornanni siulittaasoq ataatsimeersuarnermi qinnerneqassaaq. Siulersuisut akunnerminni siulittaasup tullissaanik qinersisissapput, taannalu siulersuisut suleriaasianni erseqqinnerusumik aa-

lajangersakkat naapertorlugit siulittaasup peqannginnerani siulittaasumut taartaasassaaq. Siulittaasoq siulittaasullu tullia qinigaaqqissinnaapput.

- 8.5 Siulersuisunut ilaasortat ukiumoortumik ajunngitsorsiaqartitaassapput, ajunngitsorsiallu annertussusiat ataatsimeersuarnermi ukiumut tulliuuttumut aalajangerneqartassaaq.
- 8.6 Inunnik namminneerlutik imaluunniit niuernikkut attuumassuteqarnertik pillugu ingerlatseqatigiiffiup soqutigisaanut akerliusunik soqutigisaqartutut naatsorsuutiqeqarsinnaasunik imaluunniit suleqatigiiffinni taaneqartuni ingerlatseqatigiiffik pilliutigalugu iluaqtissarsiorsinnaasorineqartunik siulersuisunut qinersisoqartassanngilaq.
- 8.7 Siulersuisunut ilaasortat tamarmik ataatsimeersuarneq sioqqullugu ingerlatseqatigiiffiit tamakkiisumik pigisat saniatigut naalagaaffimmi maani aktiaateqarluni ingerlatseqatigiiffinni allani aqutsisutut atorfini pillugit ilisimatitsissuteqassapput.
- 8.8 Suliassat siulersuisunit suliarineqartut nalinginnaasumik amerlasuteqartoqarneratigut aalajangiiffiqeqartassapput. Taasinerit naligiippata siulittaasup taasibera aalajangiisuusassaaq.
- 8.9 Siulersuisut suliaasissatut aalajangersakkat naapertorlugit suliassaminik isumaginninnissamut aalajangersakkanik sukumiinerusunik aalajangiissapput. Siulersuisut suleriaasiat naammassineqarnermi kingorna kingusinnerpaamik sapaatit akunnerisa sisamat qaangiunneranni Inuussutissarsiornermik Aqutsisoqarfiup Qarasaasiatigut nalunaaruteqartarfia-tigut tamanut saqqummiunneqassaaq.
- 8.10 Siulersuisut ataatsimiinnerini oqaluuserineqartut ingerlatseqatigiiffimmi oqaluuserineqartut pillugit allattaavinnut nalunaarneqartassapput, taanalu siulersuisunut ilaasortanit tamanit atsiorneqassaaq.
- 8.11 Suut tamanut imaaliinnarlugit saqqummiunneqarsinnaasutut siulersuisunit aalajangigaanngitsut taamatulluunniit pineqartussatut inatsisitigut aalajangigaanngitsut tamaasa pillugit siulersuisunut ilaasortat siulersuisunut ilaasortatut sulinerminni ilisimasalersimasaminnik nipangiussisussaataapput.

9 ATSIORTARNERMUT MALITTARISASSAT

- 9.1 Ingerlatseqatigiiffimmi siulersuisuni ilaasortat pingasut ataatsimoorlutik, pisorta q siulersuisunut ilaasorta q ataaseq peqatigalugu imaluunniit siulersuisut tamarmiusut ingerlatseqatigiiffik sinnerlugu atsiortassapput.

10 NAATSORSUUTIT KUKKUNERSIUINERLU

- 10.1 Ingerlatseqatigiiffiup naatsorsuutitut ukiuata qaammatisiutit ukiuat mallippaa.
- 10.2 Ingerlatseqatigiiffiup naatsorsuutai kukkuneriusumit naalagaaffimmit akuerisamit ukiut tamaasa imaluunniit ukioq allortarlugu ileqquusumik ataatsimeersuarnermi qinigaasumit kukkunerisiorneqartassapput.
- 10.3 Kukkuneriusoq ataatsimeersuarnermi qinigaasoq ingerlatseqatigiiffiup ileqquusumik ataatsimeersuarnerani najuuttassaaq.
- 10.4 Kukkuneriusoq aningaasatigut piginnittunit noqqaavigineqarluni ukiut tamaasa ingerlatseqatigiiffiup ileqquusumik ataatsimeersuarnerani piginneqataasut kukkuneriusullu ataatsimeeqatigiinneranni peqataasassaaq. Piginneqataasut eqqortunik tunngaveqarlutik ataatsimeersuarnermi aggersumi aalajangiisinnaaqqullugit ataatsimiinneq kukkuneriusup nipangiussisussaataitanera ataqqillugu ingerlatseqatigiiffiup ukiumoortumik nalunaarutaanut tunngassuteqartassaaq.

Taama akuerineqartut ulloq 18. maj 2021

Aqutsisutut:


Peter Schriver